

UDHËZIM I PËRBASHKËT

Nr. 7967, datë 30.5.2018

MBI KUFIZIMET NË QARKULLIMIN E MJETEVE TË RËNDA PËR TRANSPORTIN RRUGOR TË MALLRAVE PËRGJATË SEZONIT TURISTIK DHE FESTAVE

Në mbështetje të pikës 4, të nenit 102, të Kushtetutës, të pikës 1, të nenit 6, të ligjit nr. 8378, datë 27.7.1998 “Kodi Rrugor i Republikës së Shqipërisë”, i ndryshuar, nenit 5, të VKM-së nr. 153, datë 7.4.2000 “Rregullorja për zbatimin e Kodit Rrugor”, i ndryshuar, ministri i Infrastrukturës dhe Energjisë dhe ministri i Brendshëm,

UDHËZOJNË:

Ky udhëzim ka për qëllim vendosjen e kufizimeve për qarkullimin në rrugët jashtë qendrave të banuara të automjeteve rrugore shqiptare dhe të huaja, me kushtet dhe përjashtimet që përcaktohen në këtë udhëzim.

Neni 1

Për qëllime të këtij udhëzimi do të përdoren përkufizimet e mëposhtme:

“Fundjava” nënkupton ditën e shtunë dhe të diel, e cila fillon në orën 00:00 të ditës së shtunë dhe përfundon në orën 24:00 të ditës së diel;

“Ditët e festave zyrtare” nënkuptojnë datat sipas ligjit nr. 7651, datë 21.12.1992, “Për festat zyrtare”, i ndryshuar, dhe të publikuara nga Banka e Shqipërisë për vitin në vazhdim;

“Sezoni turistik veror”, për qëllimin e këtij udhëzimi, nënkupton periudhën nga data 15 qershor deri më 15 shtator të vitit në vazhdim.

Neni 2

Kufizimet e qarkullimit vendosen në rrugët jashtë dhe në hyrje të qendrave të banuara, për:

- a) Ditët e festave;
- b) Ditë të tjera të veçanta, që paraprijnë, pasojnë ose shtohen ditëve të festave.

Neni 3

Ndalohet qarkullimi i mjeteve rrugore ose kombinimit të tyre, që ndikojnë në rrjedhshmërinë e qarkullimit dhe në kushtet e sigurisë rrugore, në segmentet rrugore për përdorim publik, të parashikuara në aneksin 2 të këtij udhëzimi, përveç atyre që parashikohen në nenin 5 të këtij udhëzimi, si më poshtë:

- a) Për transportin e mallrave me peshë të përgjithshme të autorizuar mbi 7.5 tonë;
- b) Me ngarkesë të pandashme, me gjatësi maksimale më të madhe se 12 m (transportet me mjete jashtë norme ose transportet në kushte jonormale);
- c) Makina bujqësore, makinat teknologjike vetëlëvizëse ose traktorët me rrota që kanë shpejtësi më të vogël se 40 km/orë;
- d) Makina bujqësore dhe teknologjike që kalojnë përmasat kufitare sipas nenit 61, të ligjit nr. 8378, datë 27.7.1998, të ndryshuar (gjatësi maksimale jo më të madhe se 2,55 m, lartësi maksimale jo më të madhe se 4 m, gjatësi të përgjithshme, jo më të madhe se 7.50 m për mjetet me një aks dhe 12 m për mjetet teke me dy e më shumë akse);
- e) Për kursantët e autoshkollave mësimore.

Neni 4

Zbatimi i kufizimit

1. Fundjava dhe ditët e premtë për sezonin turistik

Kufizimi i qarkullimit të mjeteve të përcaktuara në pikën 1 të këtij neni, do të bëhet për periudhën nga 15 qershor–15 shtator për ditët e fundjavës përfshirë dhe ditën e premtë.

Kufizimet shtrijnë efektin:


- a) Për ditët e premtë, nga ora 15:00 deri në orën 22:00;

ora 00:00	15:00	
22:00	24:00	
		Periudha e kufizuar

b) Për ditët e fundjavës:


- për ditët e shtuna nga ora 08:00 deri në orën 12:00 dhe nga ora 16:00 deri në orën 22:00;

- për ditët e diela nga ora 07:00 deri në orën 22:00




2. Ditët e festave gjatë sezonit turistik

Për ditët e festave zyrtare, oraret e kufizimit të qarkullimit janë nga ora 14:00 e ditës para festës deri në orën 22:00 dhe nga ora 8:00 e ditës së festës deri në orën 24:00 të po asaj dite.



3. Përkimi i ditëve të fundjavës me ditët e festave

Në rast se ditët e fundjavës përkojnë me ditët e festave të sezonit turistik, kufizimi fillon në orën 14:00 të një dite më parë se dita e diel/festës dhe vazhdon deri në orën 00:00 të ditës së hënë/ pas festës.




4. Kufizimet e qarkullimit për festat lokale

Për ditët e festave lokale, kufizimet vendosen nga organet e Policisë Rrugore në bashkëpunim me Policinë Bashkiake përkatëse.

5. Kufizimet e qarkullimit kur ka më shumë se një ditë feste kombëtare

Në rastet kur festa kombëtare zgjat më shumë se një ditë, p.sh. rasti i ditëve të festave të 28, 29 Nëntorit dhe 1, 2 Janari, kufizimet fillojnë nga ora 17:00 e ditës së pragfestës dhe vijojnë deri në orën 22:00 të po asaj dite. Në ditën e parë të festës kufizimet fillojnë në orën 8:00 dhe vijojnë deri në orën 22:00 të po asaj dite. Në ditën e dytë të festës, kufizimet fillojnë në orën 12:00 dhe vijojnë deri në orën 24:00 të ditës së dytë të festës.



6. Gjatë periudhës së ndalimit, mjetet e regjistruara në Shqipëri, për të cilat zbatohet ky udhëzim lejohen të hyjnë në Shqipëri përmes pikave kufitare të shprehura në aneksin 1, dhe duhet të shkojnë në zyrën doganore më të afërt.

Neni 5

1. Përfshihen nga ndalimi i parashikuar në këtë udhëzim mjetet e mëposhtme:
- a) Automjetet e shoqërimit;
 - b) Automjetet e Forcave të Armatosura;
 - c) Automjetet për mirëmbajtjen e rrugëve, instalimet elektrike dhe mjete të ngjashme, si dhe mjetet për shpërndarjen e postës dhe gazeta;
 - d) Mjetet që i përkasin radios dhe televizionit;
 - e) Cisternat që transportojnë ujë të pijshëm;
 - f) Mjetet që transportojnë materiale ose pajisje për përdorim në situata të jashtëzakonshme;
 - g) Kamionë dhe tërheqës me gjysmërimorkio, që janë të destinuara për mirëmbajtjen e rrugëve;
 - h) Kamionë dhe që transportojnë ushqime që prishen, të tilla si: mish i freskët, qumësht të papërpunuar dhe produkteve të qumështit të freskët, peshk të freskët dhe prodhimeve të detit, fruta dhe perime që prishen;
 - i) Kamionë që transportojnë shpendë dhe bagëti të gjallë.
2. Automjetet me peshë dhe përmasa sipas nenit 3, lejohen të lëvizin (në rastet kur periudha kohore e kufizimit i gjen të futura në territorin e vendit tonë), vetëm për shkak të regjimit/ procedurave doganore, të kohës dhe rrethanave, në veçanti kur transporti është i justifikuar apo i domosdoshëm për arsye të sigurisë, ose për shkak se vonesat mund të sjellin dëme të konsiderueshme materiale.
3. Gjatë periudhës së kufizimit, mjetet e huaja me peshë të përgjithshme të autorizuar mbi 7.5 tonë ose mbi 12 m gjatësi, nuk mund të hyjnë në Shqipëri, por mund të përdorin vendin/sheshin e parkimit në zonën/pikën kufitare përkatëse.
4. Organet përgjegjëse të Policisë Rrugore dhe të Doganave, në bashkëpunim me shoqatat e transportuesve rrugorë të mallrave, rast pas rasti, mund të vendosin për përjashtime nga kufizimet e mësipërme, në varësi të rrethanave dhe situatave të krijuara.

Neni 6

Udhëzimi nr. 4351, datë 15.8.2014, “Mbi kufizimet në qarkullimin e mjeteve të rënda për transportin rrugor të mallrave”, shfuqizohet.

Ky udhëzim hyn në fuqi pas botimit në Fletoren Zyrtare.

MINISTRI I INFRASTRUKTURËS
DHE ENERGJISË
Damian Gjikhuri

MINISTRI I BRENDSHËM
Fatmir Xhafaj

ANEKSI 1
PIKAT KUFITARE

Pikat e kalimit të kufirit, më poshtë “PK”, jepen si vijon:

Nr.	Pikat kufitare
I.	Pikat e kalimit të kufirit me Malin e Zi:
I.1 I.2	Hani i Hotit Muriqan
II.	Pikat e kalimit të kufirit me Maqedoninë:
II.1	Bllatë
II.2	Qafëthanë
II.3	Tushemisht
II.4	Goricë
III.	Pikat e kalimit të kufirit me Kosovën:
III.1	Qafëmorinë;
III.2	Morinë.
IV.	Pikat e kalimit të kufirit me Greqinë:
IV.1	Kapshticë
IV.2	Tre Urat
IV.3	Kakavijë
IV.4	Qafëbotë

ANEKSI 2

Segmentet rrugore për të cilat do të zbatohet ky udhëzim	
Shkodër -	- PK Hani i Hotit; - PK Muriqan; - Plazhi Zogaj; - Plazhi Shirokë; - Velipojë; - Lezhë.
Lezhë -	- Shëngjin; - Patok; - Kryqëzimi i Milotit–Kukës–PK Morinë.
Tiranë -	- Durrës; - Gjiri i Lalzit.
Elbasan -	- Pogradec; - Rrogozhinë.
Durrës -	- Currila; - Gjiri i Lalzit; - Kavajë; - Rrogozhinë;

	- Kryqëzimi i Milotit–Kukës–PK Morinë.
Kavajë -	- Plazhi i Gjeneralit; - Spille; - Lushnjë.
Fier -	- Lushnjë; - Seman; - Plazhet e Poros.
Vlorë -	- Zvërnec; - Palasë–Dhërmi–Vuno–Himarë–Qeparo–Borsh–Bunec–Sarandë.
Sarandë -	- PK Qafëbotë; - Butrint.
Pogradec -	- Lin–PK Qafëthanë; - PK Tushemisht
Tepelenë -	- Gjirokastrë – P.K. Kakavijë.
B. Curri -	- PK Qafëmorinë. - Valbonë.

Segmentet rrugore për ditët e festave fetare lokale	
Laç–Shën Ndou.	
Durrës–Shën Vlash	
Berat–mali i Tomorit	